

**SARAJEVO** Danas sastanak SDA, DF-a i HDZ-a

# Dogovor o vlasti ili dublja kriza?

Početni dokument SDA i HNS-a s programskim principima usaglašen u potpunosti, tvrdi Genjac • Dogovoreno 80 posto stvari i to su načela bez mnogo detalja, kaže Lovrinović

Delegacije SDA i HDZ-a BiH, zajedno s partnerima, DF-om i strankama HNS-a, danas će se sastati u Sarajevu kako bi nastavile razgovore o formiranju vlasti u Federaciji.

Delegacije SDA i HDZ-a ovaj sastanak su dogovorile prošle subote u Mostaru.

## Izborne činjenice

Predsjednik Glavnog odbora SDA Halid Genjac kazao nam je da se na sastanku očekuje potpisivanje Sporazuma o programskim principima o uspostavi i djelovanju tijela vlasti. Zanimljivo je da Genjac, koji je učestvovao u dosadašnjim pregovorima, nije mogao potvrditi hoće li sastanak biti održan danas ili sutra.

- Mislim da je početni dokument SDA i HNS-a s programskim principima usaglašen u potpunosti. Imajući u vidu i konsultacije sa DF-om, koji je, također, saglasan s takvim principima, sačinili smo dokument koji se zove Sporazum o programskim principima o uspostavi i djelovanju tijela vlasti u BiH - rekao je Genjac.

On je dodao da to znači uspostavu vlasti na kantonalnim nivoima, podsjećajući da je taj proces počeo ovih dana.

**GENJAC:**  
Ne zna kada je sastanak



**LOVRINOVIĆ:**  
Ne bi trebalo biti sporova



**PODŽIĆ:**  
Nisam upoznat s detaljima



## SDA želi formirati Vijeće ministara

Genjac je jučer potvrdio pisanje „Avaza“ da SDA želi formirati Vijeće ministara neovisno o formiranju vlasti na svim nivoima. Prema nezvaničnim informacijama, Bakiru Izetbegoviću žuri se zbog predstojećeg kongresa SDA, uoči kojeg želi ojačati svoju poziciju.

Nikola Lovrinović iz HDZ-a BiH kratko je izjavio za „Avaz“ da su načelne stvari dogovorene i da ne bi trebalo biti sporova.

### Predsjedništvo DF-a

- U Mostaru je dogovoreno 80 posto stvari i to su

načela bez mnogo detalja - rekao je Lovrinović.

Generalni sekretar DF-a Sifet Podžić kazao je za „Avaz“ da nije detaljno upoznat s razgovorima u Mostaru.

- Predsjednik stranke Željko Komšić informativno

će večeras (sinoć, op. a.) Predsjedništvo i više detalja bit će poznato nakon sjednice - rekao je Podžić.

Sjednica Predsjedništva DF-a nije bila završena do zaključenja ovog izdanja našeg lista.

A. LONČARIĆ

## Ne stišava se bura u RS Jovičić: Policija će utvrditi kako je snimka dospjela u javnost

Predsjednik SNS-a Adam Šukalo izjavio je jučer da, ako bude utvrđena autentičnost audio materijala u kojem Željka Cvijanović govori o navodnoj „kupovini“ poslanika, jer su dva iz SNS-a nesigurno kao podrška, nisu spremni saradivati niti učestvovati u vlasti s bilo kojim političkim akterom koji je učesnik te afere.

Ministarstvo unutrašnjih poslova RS primilo je dopis premijerke RS Željke Cvijanović (SNSD) u kojem se traži da budu utvrđeni svi navodi iz audio snimke o navodnoj „kupovini“ poslanika. S time će sutra biti upoznat i postupajući tužilac, rečeno je „Avazu“ u MUP-u RS. Bura na političkoj sceni izazvala je audio snimka na kojoj se navodno čuje Cvijanović kako s nekim osobama razgovara o kupovini glasova. U SNSD-u su uvjereni da je riječ o montaži i u toj stranci nam je potvrđeno da je



Jovičić: Sa svime će biti upoznat tužilac

u toku provjera autentičnosti audio snimke.

Utvrđivanje autentičnosti i odgovornosti zatražila je i opozicija, koja, osim toga, traži i krivičnu odgovornost za „trgovinu poslanicima“.

- Budući da je veliki novac u igri, treba očekivati da će neki labilni vlasnici poslaničkih mandata nasjesti na primamljive ponude o kojima govori Cvijanović i da će pokušati unovčiti narodnu volju - stav je predsjednika NDP-a Dragana Čavića.

V. S.

## Uoči konstituiranja Skupštine USK SDA u koaliciji s Abdićevom kćerkom?

Konstituirajuća sjednica Skupštine Unsko-sanskog kantona (USK) najavljena je za 20. novembar. Uporedo s tim traju pregovori političkih stranaka. Kao mogući partner SDA i DF-a u vlasti najizvjesnija je Laburistička stranka Elvire Abdić-Jelenović, kćerke ratnog zločinca Fikreta Abdića.

Ovaj skupštinski trio sa 16 poslanika bi visio na tankoj niti. Pravljenje vlasti sa kćerkom Fikreta Abdića nije nešto čime su zadovoljni u SDA, a, kako saznajemo, posebno ne u Demokratskoj fronti.

Među pristalicama DF-a vladaju šutnja i nemir zbog „vezivanja zastava“ sa SDA, jer se boje sudbine SDP-a. S druge strane, ASDA na tu ponudu odgovorili negativno. Nezvanično, oni su ulazak u partnerstvo sa SDA uvjetovali premijerskom fote-ljom za aktuelnog načelnika općine Cazin Nermina Ogrševića.

M. DEDIĆ



Abdić-Jelenović: Priklanja se većini

Od SDA su im dolazili signali i ponude tokom izborne kampanje da se vrate matici, ali su iz ASDA na tu ponudu odgovorili negativno. Nezvanično, oni su ulazak u partnerstvo sa SDA uvjetovali premijerskom fote-ljom za aktuelnog načelnika općine Cazin Nermina Ogrševića.



Sušić: Okrenuo ljude protiv sebe

## Ličnost dana Safet Sušić

# Od vrha do dna

Svojim se ponašanjem doveo u istu ravan s političarima na vlasti

Nakon plasmana na Svjetsko prvenstvo bio sam najomiljenija, sada sam najomraženija ličnost. Da vidim i to kako je. Tim je riječima Safet Sušić Pape završio svoje izlaganje nakon drugog najvećeg poraza reprezentacije BiH tokom njegovog mandata. Izrael nas je, kao svojevremeno Rumunija, unakazio 3:0, a Sušićevi izabranici djelovali su poput razbijene vojske.

Logičan je to bio slijed poteza koje naš vrli selektor povlači neko vrijeme, ne iritirajući samo one koji, hraneći svoj ego, izvole Papetu činiti društvo u kafani.

Sušić je svojim po-

našanjem neposredno uočio, tokom i poslije Svjetskog prvenstva pokazao zapravo kako izgleda kada dođe u situaciju „da mu se može“, svrstavši se u istu ravan s političarima na vlasti.

Oholost, netaktičnost, nedosljednost, nepotizam, beskrupuloznost, nepromišljenost - sve je to Pape ponosno demonstrirao, osjećajući se velikim i iskoristivši popularnost koju je napaćeni narod, u nedostatku ica drugog, prema njemu iskazao. Danas, 90 posto stanovništva okrenuto je protiv njega. Samo da laik nije umislio kako je znalac, ne bi se našao u ovoj sramotnoj situaciji. A. Č.

## Centar za transatlantske odnose SAIS Prestizna nagrada Nikolasu Hilu

Priznanje se dodjeljuje onima koji su doprinijeli razvoju demokratije

Otpравниk poslova Ambasade SAD u BiH Nikolas Hil (Nicholas Hill) dobitnik je nagrade „Mediterranski bazen“ koju Centar za transatlantske odnose SAIS pri Univerzitetu „John Hopkins“ u Vašingtonu dodjeljuje zaslužnim diplomatima, biznismenima te individualima i organizacijama koje su svojim radom doprinijele razvoju demokratije, privrede i društva u cjelini.

Iz Centra za transatlantske odnose SAIS naglašavaju da cijene ogroman napor i uspješan rad Hila koji u potpunosti odražava politiku SAD i njihovu svestranu podršku BiH na njenom putu ka EU i NATO integracijama.

- Ponosni smo na uspješan rad Ambasade SAD u BiH predvođenu otpravnikom poslova Nikolasmom Hilom. Centar za transatlantske odnose SAIS upriličit



Hil: Otpravnik poslova Ambasade SAD u BiH

će ceremoniju i prijem u čast Hilu u Vašingtonu - saopćeno je iz SAIS-a.

Nosioci priznanja „Mediterranski bazen“ iz SAD, osim Hila, su senatorica Džini Šahin (Jeanne Shaheen), senator Džejms Inhof (James Inhofe) i kongresmen Robert Aderholt.